

集部

欽定四庫全書文章辨體索送卷一司六

詳校官中書日李 主事街 日徐以坤覆勘 總校官檢討臣何思到 校對官中書匠汽來宗 彤

謄録監生 臣深鳴岐

7. 7.7. THE PROPERTY OF THE PARTY OF TH 文章解體東遊 武王崩禄父以管察作亂成 D)] 武庚禄父使其弟管叔 賀復徴 綸

盡美矣未盡善也又曰三分天下有其二以服事殷問 蘇子曰武王非聖人也昔者孔子蓋罪湯武顧自以為 之存亡民之生死将於是乎在其孰敢不嚴而孟軻始 矣此孔子之家法也世之君子茍自孔氏必守此法國 之德其可謂至徳也已矣伯夷叔齊之於武王也蓋謂 般之子孫而周人也故不敢然數致意馬曰大哉巍巍 乎堯也舜禹吾無間然其不足於湯武也亦明矣曰武 我君至恥之不食其栗而孔子予之其罪武王也甚 卷三百九十五

金牙四人生

弑書而湯武仁人也必將為法受惡周公作無逸曰殷 亂之曰吾聞武王誅獨夫紂未聞弑君也自是學者以 存亡也使文王在必不伐紂紂不見伐而以考終或死 至是以受命稱王行天子之事周之王不王不計紂之 及湯下不及武王亦以是哉文王之時諸侯不求而自 有良史如董狐者南巢之事必以叛書牧野之事必以 湯武為聖人之正若當然者皆孔氏之罪人也使當時 77. 20. 1 4.1. 王中宗及高宗及祖甲及我周文王兹四人迪哲上不 一章月體量送

之徒也以為非曹操莫與定海内故起而佐之所以與 殷人改立君武王之侍殷亦若是而已矣天下無王有 豈不兩全也哉武王觀兵於益津而歸紂若不改過則 操謀者皆王者之事也文若豈教操反者哉以仁義救 而放之而殺之可乎漢末大亂豪傑並起荀文若聖人 聖人者出而天下歸之聖人所不得解也而以兵取之 於亂殷人立君以事周命為二王後以祀殷君臣之道 天下天下既平神器自至将不得已而受之 不至 不

金年四年了言

卷三百九十五

|豈復人也哉故武庚之必叛不待智者而後知也武王 之故吾嘗以文若為聖人之徒者以其才似張子房而道 為王馭士王泣而告之既而殺子南其徒曰行乎曰吾 欠了了 15 果人也則必死之楚人將殺令尹子南子南之子棄疾 取也此文王之道文若之心也及操謀九錫則文若死 也遂縊而死武王親以黄鉞斬紂使武庚受封而不叛 與殺吾父行將馬入然則臣王乎曰棄父事讐吾弗忍 似伯夷也殺其父封其子其子非人也則可使其子而 文章辨體豪選

君六七作紂雖無道其故家遺俗未盡滅也三分天下 之封武庚蓋亦不得已馬耳殷有天下六百年賢聖之 金としたといる 有其二般不伐周而周伐之誅其君夷其社稷諸侯必 有不悦者故封武庚以慰之此豈武王之意哉故曰武 王非聖人也 秦始皇時趙髙有罪紫毅按之當死始皇赦而用之 長子扶蘇好直諫上怒使北監家恬兵於上 始皇論一蘇軾 卷三百九十五 一郡始皇

其謀始皇之遣毅毅見始皇病太子未立而去左右皆 亂者可謂密矣蒙恬將三十萬人威振北方扶蘇監其 蘇子曰始皇制天下輕重之勢使内外相形以禁奸備 軍而蒙毅侍帷幄為謀臣雖有大奸賊敢睥睨其間哉 不幸道病禱祀山川尚有人也而遣紫毅故高斯得成 立胡亥殺扶蘇蒙恬蒙毅卒以亡秦 道病使紫毅還轉山川未及而上崩李斯趙高矯詔 東游會稽並海走琅邪少子胡亥李斯紫毅趙高從

次定马車全書

文章辨體景遊

聰明人傑也奴僕熏腐之餘何能為及其亡國亂朝乃 哉然世主皆甘心而不悔如漢桓靈唐肅代猶不足 皇致亂之道在用趙髙夫閱尹之禍如毒藥猛獸未有 及聖人為天下不恃智以防亂恃吾無致亂之道耳始 怪始皇漢宣皆英主亦湛於趙髙恭顯之禍彼自以為 不裂肝碎首者也自書契以來惟東漢吕殭後唐張永 不可以言智雖然天之亡人 |人號稱善良豈可望||二於千萬以徼必亡之 卷三百九十五 、國其禍敗公出於智所 禍

次三百年を一方一人 請方其法之行也求無不索禁無不止鞅自以為軼堯 典以參夷為常法人臣狼顧脅息以得死為幸何暇復 道有自來矣豈獨始皇之罪自商鞅變法以殊死為輕 皇子春人戴之久矣陳勝假其名猶足以亂天下而蒙 宣者或曰李斯佐始皇定天下不可謂不智扶蘇親始 與庸主不異吾故表而出之以戒後世人主如始皇漢 遺類矣以斯之智而不慮此何哉蘇子曰嗚呼秦之失 恬持重兵在外使二人不即受誅而復請之則斯高無 文章辨體豪選

皇環柱而走莫之救者以秦法重故也李斯之立胡亥 一舜而駕湯武矣及其出亡而無所舍然後知為法之弊 以終身行之其恕矣乎夫以忠恕為心而以平易為政 人之不敢復請亦知始皇之熱悍而不可回也豈料其偽 不復忌二人者知威令之素行而臣子不敢復請也二 則上易知而下易達雖有賣國之奸無所投其隙倉卒 也哉周公曰平易近民民父歸之孔子曰有一言而可 夫豈獨鞅悔之秦亦悔之矣荆軻之變持兵者熟視始

欠いりのことは 之仁則寧死而不請如戾太子之悍則寧反而不訴知 其親戚師傅無側容積威信之極以及始皇秦人視其 子孫者也漢武與始皇皆果於殺者也故其子如扶蘇 聖人終不以彼易此商鞅立信於徙木立威於棄灰刑 君如雷電鬼神不可測也古者公族有罪三有然後制 信之過也故夫以法毒天下者未有不反中其身及其 刑令至使人矯殺其太子而不忌太子亦不敢請則威 之變無自發馬然其令行禁止蓋有不及商鞅者矣而 **文章辨體豪選** 

殺者 蘇之必不反也吾又表而出之以戒後世人主之果於 為二君之子者有死與反而已李斯之智蓋足以知扶 訴之而不察也戾太子豈欲反者哉計出於無即也故 秦初并天下丞相綰等言燕齊荆地遠不置王無以 鎮之請立諸子始皇下其議羣臣皆以為便廷尉斯 日周文武所封子弟同姓甚衆然後屬疏遠相攻擊 秦論二蘇戦

金ダヒだんでも

卷三百九十五

5/6.JO. ~ /... 也能不失時而已三代之興諸侯無罪不可奪削因而 蘇子曰聖人不能為時亦不失時時非聖人之所能為 難哉廷尉議是分天下為三十六郡郡置守尉監 靈天下初定又復立國是樹兵也而求其寧息豈不 便始皇曰天下共苦戰闘不休以有侯王賴宗廟之 之甚足易制天下無異意則安寧之術也置諸侯不 下神靈一統皆為郡縣諸子功臣以公賦稅重賞賜 如仇讐諸侯更相誅伐天子弗能禁止今海内賴陛 文章辨體景迅

市欲立六國後張子房以為不可世未有非之者李斯 **起邑置守军理固當然如冬来夏葛時之所宜非人之** 畏諸侯之禍也非獨李斯始皇知之始皇既并天下分 私智獨見也所謂不失時者而學士大夫多非之漢高 家世卿者以魯三桓晉六卿齊田氏為戒也久矣世之 至於七國皆稱王行天子之事然終不封諸侯不立彊 衰諸侯相并齊晉秦楚皆千餘里其勢足以建侯樹屏 )雖欲罷侯置守可得乎此所謂不能為時者也周 卷三百九十五

於封建封建者爭之端而亂之始也自書契以來臣弑 時魏徵李百樂顏師古其後有劉秩杜佑柳宗元宗元 意也勢也昔之論封建者曹元首陸機劉頌及唐太宗 英盧豈獨髙帝子房亦與馬故柳宗元曰封建非聖人 之言吐哺罵酈生知諸侯之不可復明矣然卒王韓彭 之論與子房何異世特以成敗為是非耳高帝聞子房 くか.日・1人」 10 取其説而附益之曰凡有血氣必爭爭必以利利莫大 一論出而諸子之論廢矣雖聖人復起不能易也故吾 文章辨體桑遊

全ラレル 髙帝舉天下後世之重屬之大臣大臣亦盡其心力以 無復封建則此禍幾絕仁人君子忍復開之數故吾以 諸侯王子孫其餘卿大夫不世襲者蓋未嘗有也近世 終不能已篡弒之禍至漢以來君臣父子相城虐者皆 位者乎自三代聖人以禮樂教化天下至刑措不用然 其君子弑其父父子兄弟相贼殺有不出於襲封而爭 為李斯始皇之言柳宗元之論當為萬世法也 漢光武論蘇轍 二十年 卷三百九十五

欠い可えたう 年之順從鮮有能容者惡楊惲蓋寬饒害趙廣漢韓延 宣帝雖明察有餘而性本忌克非張安世之謹畏陳萬 光之權在諸臣右故能翊昭建宣天下莫敢異議至於 武帝之老也將立少主知非大臣不可乃委任霍光霍 覆手之易當是時大臣權任之盛風流相接至申屠嘉 報之故吕氏之亂平勃得寘力馬誅産禄立文帝若反 猶召辱鄧通議斬鼂錯而文景不以為忤則高帝之用 人其重如此景武之後此風衰矣大臣用舍僅如僕隷 大章辨體學選

之以欺罔而士無一人敢指其非者光武之與雖文武 后擅朝實憲兄弟恣横殺都鄉侯暢於朝事發請擊向 幸而子孫皆賢權在人主故其害不見及和帝幼少竇 之略足以鼓舞一世而不知用人之長以濟其所不足 於元成朝無重臣養成王氏之禍故莽以斗筲之才濟 壽悍然無惻怛之意髙才之士側足而履其朝陵遲至 任隗旨以三公守義力爭而不能勝幸而憲以逆謀敗 奴以自贖及其成功又欲立北單于以樹思固位袁安

觀古今大臣任事而禍至於不測者必有故也今畏忌 **召外兵以除之外兵既入而東漢之祚盡矣蓋光武不** 蓋光武不任大臣之積其弊乃見於此其後漢日以衰 アスコンコ・ラ とこう 任大臣之禍勢極於此夫人君不能皆賢君有不能而 成於外戚大臣皆無所與及其末流梁冀之害重天下 及其誅閻顯立順帝功出於宦官點河清王殺李固事 不能容復假宦官以去之宦官之害極天下不能堪至 大臣朝廷之正也事出於正則其成多其敗少歷 文章辨體豪逐

官更相屠滅至以外兵繼之嗚呼殆哉 金グロノイー 大臣而使他人得乘其際不在外戚必在宦官外戚官 三國論蘇軟 卷三百九十五

而遇勇則勇者不足恃也智而遇智則智者不足用也 天下皆怯而獨勇則勇者勝皆闇而獨智則智者勝勇

夫惟智勇之不足以定天下是以天下之難盡起而難 平蓋嘗聞之古者英雄之君其遇智勇也以不智不勇

而後真知大勇乃可得而見也悲夫世之英雄其處於

世亦有幸不幸耶漢高祖唐太宗是以智勇獨過天下 高帝以其不知不勇之身横塞其街徘徊而不得進其 勢飄忽震蕩如風雨之至天下之人以為遂無漢矣然 勝其勢足以相擾而不足以相斃當此之時惜乎無有 知攻知以勇擊勇此譬如兩虎相捽齒牙氣力無以相 而得之者也曹公孫劉是以智勇相遇而失之者也以 而執諸侯之柄咄嗟叱咤奮其暴怒西向以逆髙祖其 以漢高帝之事制之者也昔者項籍乘百戰百勝之威 · 10.10 101 2.1 15 1 文章辨雅索遇

求逡巡求去而不能去而項籍 固已億矣今夫曹公孫 其所長以制我於一時而我閉門而拒之使之失其所 而其智慮久而無成則亦必有所倦怠而不舉彼欲用 而勇不足故有所不若於二人者而不知因其所不足 權劉備此三人者皆知以其才相取而未知以不才取 **顽鈍椎魯足以為笑於天下而卒能摧折項氏而待** 人也世之言者曰孫不如曹而劉不如孫劉備惟知短 此其故何也夫人之勇力用而不已則必有所耗竭

金り口た

卷三百九十五

次足の単こう一 馬耳先據勢勝之地以示天下之形廣次信越出奇之 於中而未有所定是故所為而不成所欲而不遂棄天 心欲為椎魯而不能統欲為果銳而不能達二者交戰 之者獨有一 項籍猖狂之勢此三事者三國之君其才皆無有能行 將以自輔其所不逮有果鋭剛猛之氣而不用以深折 所以用之之術昔高祖之所以自用其才者其道有三 以求勝則亦已感矣蓋劉備之才近似於高祖而不知 劉備近之而未至其中猶有翹然自喜之 文章辨體豪遊

匹夫匹婦天下之所易也武夫任俠天下之所畏也天 謂無高祖之風矣而終不知所以自用之方夫古之英 粉以攻人則是其氣不足尚也嗟夫方其奔走於二表 紅征伐之衝則非将也不忍忿忿之心犯其所短而自 問因於吕布而狼狼於荆州百敗而其志不折不可 惟漢髙帝為不可及也夫 蜀論蘇軟

イングレス 生で

下而入巴蜀則非地也用諸葛孔明治平之才而當紛

卷三百九十五

晉之間豪民殺人以報仇讐椎埋發冢以快其意而終 秦晉之勇蜀漢之怯怯者重犯禁而勇者輕為姦天下 者愈驕而不可制而其所易者不得志而思以為亂也 也是以天下之亂常至於漸深而莫之能止蓋其所畏 יותו בותות אותום 不敢為大變也蜀人畏吏奉法俯首聽命而其匹夫小 之所知也當戰國之時秦晉之兵彎弓而帶劒馳賜上 下咄嗟叱咤蜀漢之士所不能當也然而天下既安秦 下之人知夫至剛之不可屈而不知夫至柔之不可犯 文章辨體量近

之怒而無終身戚戚不報之怨也若夫蜀人辱之而不 其忿怒之節如是而已矣故夫秦晉之俗有一朝不測 毫釐曲直之際而其甚者至有懷刃以賊其長吏以極 **更有不善而不能以有容也叫號紛吸奔走告訴以爭** 其弊常至於大亂而不可救則亦優柔不決之俗有以 盗人其室懼傷而不敢校此非有好亂難制之氣也然 啟之耳今夫秦晉之民倜儻而無所顧負力而傲其吏 ,意有所不適輛起而為亂其故何也觀其平居無事

金万セナノニー

卷三百九甲五

次三四事三十 大亂以發其怒而後息古者君子之治天下强者有所 怯之勢必至於此而無足怪也是以天下之民惟無怨 惟其鬱鬱而無所洩則其為志也遠而其毒深故必有 於其心怨而得償以快其怒則其為毒也循可以少解 近而禍淺蜀人之怯而其為變也怨深而禍大此其勇 於其心有所不可復忍然後聚而為羣盗散而為大亂 以發其憤憾不洩之氣故雖秦晉之勇而其為亂也怨 能競犯之而不能報循循而無言忍詬而不驟發也至 文章辨體豪遊

處而能憂其君子周旋揖讓不失其節而能耕田射御 武而徒使之怨以為亂故也嗟夫安得斯人者而與之 高明詩曰不侮鰥寡不畏强禦此言天下之匹夫匹婦 御天下有道體之以安動之以勞使之安居而能勤逸 其力不足以與敵而其智不足以與辨勝之不足以為 不惮而弱者有所不侮蓋為是也書曰無虐惸獨而畏 晉論蘇轍

百九

次足四季全季 者耶彼以死傷戰關之患邀我而我不能應則無怪乎 勵之患匹夫之所輕而士大夫之所不忍以其身試之 求勝其上何者天下之亂蓋常起於上之所憚而不敢 是以天下之事舉皆無足為者而天下之匹夫亦無以 勞苦而日强冠冕佩玉之人而不憚執天下之大勞夫 以自致其力平居習為勉强而去其情傲属精而日堅 其間而致其上之所難夫其上之所難者豈非死傷戰 為天下之小人知其上之有所憚而不敢為則有以乘 文章辨體原遊

|當不適於用而畏兵革之事天下之英雄知其所忌而 マーグヒグノー 人生於草木之間大風烈日之所咻而雪霜饑饉之所 王敦祖約此其奸詐雄武亦一世之豪也譬如山林之 竊乘之是以顛沛陨越而不能以自存且夫到聰石勒 之心高談揖讓泊然沖虚而無慷慨感激之操大言無 昔者晉室之敗非天下之無君子也其君子皆有好善 使其所畏之不見是故事有所不辭而勞苦有所不憚 天下之至於亂也故夫君子之於天下不見其所畏求

钦定四車全書 而不救於患難此其病起於自處太高而不習天下之 勞苦其筋力骨節之所嘗試者亦已至矣而使王行王 夫而求其成功此固奸雄之所樂攻而無難者也是以 漢之倫清談而 當其衝此譬如千金之家居於髙堂之 辱事故富而不能勞貴而不能治蓋古之君子其治天 雖有賢人君子之才而無益於世雖有盡忠致命之意 上食肉飲酒不習寒暑之勞而欲以之桿禦山林之勇 下為其甚勞而不失其高食其甚美而不棄其關使匹 文章辨體索遊

世為其甚勞而不知以自復而為秦之殭食其甚美而 綸雅者可以為繒至於龍吾不能知其乘雲氣而上不 知其能游獸吾知其能走走者可以為網游者可以為 美者亦非所以自固此其所以喪天下之故也哉 無以自實而為晉之敗夫甚勞者固非所以為安而甚 夫小人不知所以用其勇而其上不失為君子至於後 稱孔子既見老子退謂弟子曰鳥吾知其能飛魚吾 梁武帝論蘇賴

知之矣好之篇者則欲施之於世疾之深者則欲絕之 道與老子相出入漢世士大夫不能明也魏晉以後畧 道於世孔子固知其難哉東漢以來佛法始入中國其 招延緇素譯經談妙至者凡數千人而姚氏之亡曾不 至以龍比之然卒不與共斯世也拾禮樂政刑而欲行 吾今日見老子其猶龍耶老子體道而不嬰於物孔子 教與吾教異而欲行之皆失之矣秦姚與區區一 一者皆非也老佛之道與吾道同而欲絶之老佛 隅

汉定四事全書 又

文章辨體景遂

之私說也自有天地而有是道矣古之君子以之治氣 夷佛滅僧不期年而以武崩議者觀魏唐之禍則以佛 隸郊廟之祭不薦毛血父子皆陷於侯景而國隨以亡 法而浩亦以非罪赤族唐武宗欲求長生徇道士之私 議者觀秦梁之敗則以佛法為不足賴矣後魏太武深 旋踵梁武繼之江南佛事前世所未嘗見至捨身為奴 法為不可忤矣二者皆見其一偏耳老佛之道非一人 信崔浩浩不信佛法勤帝斥去僧徒毀經壞寺既滅佛

道於世其弊必有不可勝言者 而物輕則物之附人也堅物之所以去人分 裂四出而 物無所不在而尚可非乎雖然蔑君臣廢父子而以行 之老子曰天得一以清地得一以寧神得一以靈谷得 人之於物聽其自附而信其自去則人重而物輕人重 養心其高不可嬰其潔不可溷天地神人皆將望而敬 以盈萬物得 隋論蘇轍 以生侯王得一以為天下貞道之於

こくで うっとう

文章辨體桑逸

+ ^

去就之權在君而不在民是之謂人重而物輕且夫吾 得已而為之長吾不役天下之利而天下自至夫是以 之於人已求而得之則不若使之求我而後從之己守 而來之也其守天下非其刼而留之也使天下自附不 者也何者非有大度之人則常恐天下之去我而以析 而固之則不若使之不忍去我而後與之故夫智者或 可與取天下矣而不可與守天下守天下則必有大度

重点正是八三

不可禁者物重而人輕也古之聖人其取天下非其驅

卷三百

九十五

速二世而亡者也夫秦隋之亡其弊果安在哉自周失 享國長遠後世莫能及然而亡國之暴未有如秦隋之 復割裂以為敵國是以銷名城殺豪傑鑄鋒鏑以絕天 兵七世而不得解寸攘尺取至始皇然後合而為一秦 其衝楚脅其肩燕趙伺其北而齊掉其東秦人披甲持 とれる うべき 其政諸侯用事而秦獨得山西之地不過千里韓魏原 留天下以術留天下而天下始去之矣昔者三代之君 見其取天下若此其難也而以為不急持之則後世且 文章辨體彙選

行堅姚與赫連之徒紛紛而起者不可勝數至於元氏 并吞滅取署已盡矣而東方未服元氏自分而為周齊 一金グレグ つき 周并齊而投之隋隋文取梁滅陳而後天下為一 不定而重失其定也蓋自東晉以來劉聰石勒慕容垂 愁苦無聊莫有不忍去之意是以陳勝項籍因民之不 而防之大過之弊數今夫隋文之世其亦見天下之久 服長呼起兵而山 澤皆應由此觀之豈非其重失天下 下之望其所以備慮而固守之者甚密如此然而海内

次三日車人一三 去就者莫不在我故其視失天下甚輕是故其心舒緩 享天下之樂而懼其不久立於萬民之上而常有積防 異於秦也悲夫古之聖人脩德以來天下天下之所 為 亂塗地而臭之救由此觀之則夫隋之所以亡者無以 為嚴法峻令以杜天下之變謀臣舊將以誅減界盡而 見天下之久不定也是以既得天下之泉而恐其失之 獨死於楊素之手以及於大故終於煬帝之際天下大 不安之心以為舉世之人皆有曩者英雄割據之懷制 文章辨體景選

是寬緩不速之行者乃其所以深取天下者也 昔嘗聞之周之與太王避狄於岐幽之人民扶老攜幼 與及觀秦隋唯不忍失之而至於亡然後知聖人之為 而歸之岐山之下纍纍而不絕喪失其舊國而卒以大 内憂外重則為內患古者聚兵京師外無强臣天下之 而其為政也寬寬者生於無憂而慘急者生於無即耳 天下之變常伏於其所偏重而不舉之處故內重則為 唐論蘇輔

|時謂之外重外重之弊諸侯擁兵而內無以制由此觀 之則天下之重固不可使在内而亦不可使在外也自 不可使專在內也古者諸侯大國或數百里兵足以戰 左右之大臣則生於山林小民之英雄故夫天下之重 事皆制於內當此之時謂之內重內重之弊好臣內擅 不至於內天子之大臣有所畏忌而內患不作當此之 而外無所忌匹夫横行於四海而莫能禁其亂不起於 食足以守而其權足以生殺然後能使四夷盗賊之患

次定四軍全事

文章辨體軍逐

之命皆制於天子然至於二世之時陳勝具廣大呼起 三川擁山河之固而不敢校也此二患者皆始於外之 指如意雖李斯為相備五刑而死於道路其子李由守 亡而不救秦人患其外之已重而至於此也於是收天 周之衰齊晉秦楚縣地干里内不勝於其外以至於滅 兵而郡縣之吏熟視而走無敢誰何趙高檀權於內頭 不足而無有以制之也至於漢與戀秦孤立之樂乃大 下之兵而聚之關中夷滅其城池殺俘其豪傑使天下

卷三百

夏在外則為外患而秦漢之間不求其勢之本未而更 次ラコラナシテラ 以自取其亂而莫之或知也夫天下之重在內則為內 下之大患此數君者其所以制其內外輕重之際皆有 方微弱而復為亂而朝廷之權臣山林之匹夫常為天 而為淮南濟北具楚之亂於是武帝分裂諸侯以懲大 而劉氏之子孫無復與語魏晉之世乃益侵削諸侯四 封侯王而高帝之世反者九起其遺孽餘烈至於文景 7禍而其後百年之間王莽遂得以奮其志於天下 文章辨體豪遊

服內之大臣而絕奸民之心此二者其勢相持而後成 君乃欲去其爪牙翦其股肱而責其成功亦已過矣夫 相懲戒以求一偏之利故其禍循環無窮而不可解也 定於天下非外之有權臣則不足以鎮之也而後世之 不知其無成者未始不自不分始故夫聖人将有所太 且夫天子之於天下非如婦人孺子之爱其所有也得 天下而謹守之不忍以分於人此匹夫之所謂知也而 天下之勢内無重則無以威外之强臣外無重則無以

欠いしつらいい 也故外之節度有周之諸侯外重之勢而易置從命得 至於乘隙間釁以邀大利者外有節度之權以破其心 舉天下之衆而後能當關中之半然而朝廷之臣亦不 之也貞觀之際天下之兵八百餘府而在關中者五百 變而將即之臣常不至於叛者內有重兵之勢以預制 以沿邊為節度府而范陽朔方之軍皆带甲十萬上足 以制夷狄之難下足以備匹夫之亂內足以禁大臣之 輕者也昔唐太宗既平天下分四方之地盡 文章辨體課題 二 十 三

絕之禍蓋周之諸侯内無府兵之威故陷於逆亂而不 金女正屋 八十百 世臣暴虐之患内之府兵有秦之關中內重之勢而左 以擇其賢不肯之才是以人君無征伐之勞而天下無 能以自立有周秦之利而無周秦之害形格勢禁內之 能以自止秦之關中外無節度之援故爲於大臣而不 天下之士不究利害之本未根以成敗之遺蹤而論計 不敢為變而外之不敢為亂未有如唐制之得者也而 石謹筋莫敢為不義之行是以上無逼奪之危下無誅 卷三 百九 十 **餗自以為威震四方然劉從諫為之一言而震慴自敛** 金地終於昭宗而天下 卒無寧歲內之强臣雖有輔國 遂以太宗之制為猖狂不審之計夫論天下論其勝敗 戌趙魏是以禄山朱泚得至於京師而莫之能禁一 之得失徒見開元之後强兵悍將皆為天下之大患而 元振守澄士良之徒而卒不能制唐之命誅王涯殺賈 蓋天寶之際府兵四出萃於范陽而德宗之世禁兵皆 之形以定其法制之得失則不若窮其所由勝敗之處 彩

次定可車全書

文章辨體豪選

之監軍而無一人敢與抗者由此觀之唐之衰其樂在 與人心之所歸向其在太宗者審矣至立太子髙祖以 誅鋤羣盗天下為一其功亦出於太宗蓋天心之所付 唐高祖起太原其謀發於太宗諸子不與也及克長安 不敢復肆其後崔昌遐倚朱温之兵以誅宦官去天下 而後世之不用也 於外重而外重之樂起於府兵之在外非所謂制之失 唐高祖論蘇軟 卷三百九十五 发記事全書! 位定以太宗之賢而不免於争奪玄宗之賢不逮太宗 皆以王就第章氏之亂臨淄以兵入討屠宗踐作而唐 建成不足言也其咎在高祖其後武氏之亂廢中宗立 功不如此必且有難敢以死請睿宗從之而後臨淄之 室復安又将以長立憲憲辭曰時平先長嫡國亂先有 **睿宗以睿宗長子憲為太子矣及中宗之後睿宗父子** 而晏然受命則憲之讓賢於人遠矣吾嘗論之髙祖睿 長立建成建成當之不辭於是兄弟疑問卒至大亂夫 文章辨體景遇 主五

宗皆中主也其欲立長非專其私也以為立嫡以長古 人而已 泰伯奔呉以避王李亦畏亂故爾廢長而立少雖聖賢 周以之興誠天命之所在而吾無心馬亂何自生雖然 王捨太伯仲雍而立李歷文王捨伯邑考而立武王而 猶難之憲與玄宗兄弟相安終身無問言馬盖古今 今之正義也謂之正義而不敢違胡不考之前世乎太 西晉論何去非

卷三百九十五

隱於福為福之形常隱於禍人見其為今日之禍福而 次三日五十五三 者非一朝一夕也探其基而積之乃在於數百歲之淹 天下之禍不患其有可觀之迹而發於近而患其無可 窺之形而發於運有迹之可視雖甚愚怯必加所驚備 形是以一發而莫之能支夫非無形也蓋為禍之形常 緩國更三姓而歷君數十平居常日不見其有可窺之 防閉而發於運者其毒常深昔者五胡之禍晉室其起 而發於近者其毒嘗淺無形之可窺雖甚智勇亦忽於 文章辨體豪選

之打夫既去其侮而又役其力可謂世主之大欲國家 然之形此其為禍至於不可勝救也先王之制夷於於 於魏武或空其國而罷徼塞之警或籍其兵而為冤敵 公朝諸侯於明堂夷蠻戎狄之君立於四門之外使無 也因內徒而親之其事肇於漢之孝宣漸於世祖而盛 與乎備物盛禮之觀後世之君幸其衰弊而悦其向服 要荒也甚惡其猾夏而亂華未嘗不欲驅攘而嬪之周

已不就其所隱而逆窺之是以於其未發皆莫親其胎

常日不觀其昭然之形故也昔者孝宣承武帝攘擊勾 欠已日至 ~: 塞則示之大利元帝雖報謝馬自是胡人亦浸而南顧 發若映防水臭之能過晉為不幸而適當之以其平居 匈奴失所 敬隱每過陰山未嘗不哭其喪亡也令罷備 能邊備賴侯應之策以為自孝武攘之幕北奪其陰山 通五原而來其朝至於孝元而呼韓那乃願保塞而請 奴之威會五單于內爭始納呼韓邪使之依阻塞下稍 之盛福矣不知積之既久而大禍之所伏一旦淘然而 文章辨體豪選 7

都之氏以實關畿用禦蜀怒而匈奴五郡皆居汾晉而 屯守北地朔方五原代郡雲中定襄鴈門之七郡而河 漢亦甚悦其來而不之却也世祖因匈奴日逐之至遂 也而居晉陽石勒羯人也而居上黨姚氏羌也而居扶 近在肘脈矣於晉之與大率中原半為夷居元海匈奴 建南廷以安納之稍内居之西河美稷而其諸部因遂 風行氏氏也而居臨渭慕容鮮甲也而居昌黎種族日 西之地鞠為属區加從叛羌錯置三輔魏武復大徒武 卷三百九十五

金ケロモノー

次元四三 八十三 明智之主足以祭淵微漸為子孫萬世之處然旨安其 時四起自長淮之北無復晉土而為戰國者幾二百年 志態則亦無時而變也是以元海一倡而并雍之胡來 不濟而劉氏諸部未嘗一日而忘之也自魏而上非無 中國羁狗而賤侮之也是以劉猛發憤而反於晉事雖 迫於制服之威而其情未嘗不懷土而思返固甚怨夫 所謂發於遲而為毒深也雖然彼之內徒而聽役也亦 蕃其居處飲食皆趣華矣而其桀暴貧悍樂鬬喜亂之 文章科體量選

發於肘腋之間而被不可勝言之禍矣雖然自非明智 然後嚴斥障塞使有華夷內外之辨後雖有警則無至 内附或樂用其力唯恐不能鳩令而牧役之雖有夫為 返之情加之思意以兼其行為之假建名號而廪資之 助矣茍於此時有能探其所伏之禍而逆制馬因其懷 而下自武帝之平一呉會偏撫天下固無籍乎夷狄之 使各以種族而還之舊土彼樂引輕去而惟恐其後也 )形皆不為之深思遠慮就其所伏而消厭之由晉 卷三百 九十五 苦者絳侯既平吕氏親握國璽授之孝文當是告劉氏 其為平日之福而忽其所隱之禍也 皆恬然不為省方抱虎而熟寐爾嗟乎為天下者無恃 果斷之主為子孫後世之慮則不能决於有為以救其 未發之深禍也彼晉武自平一吳會方以侈欲形於天 下其能及此乎 雖郭欽抗疏江統著論其言反覆切至 文帝論張未

次定四車~百

之後惟大臣所立文帝為諸王特以其賢而取之其初

文章辨體豪逐

以來不啻如殺囚隷獨文帝時公卿被誅者無幾人然 以慰答昔日之功者未聞有卓然過於當時何其不旋 厚也文帝之報絳侯者宜何如哉雖分國以王之天下 無有過絳侯然匹夫一言罪辜未明廷尉折簡以名之 則文帝之待大臣亦有恩矣當是時大臣之有思者宜 踵而逐去之之速也予嘗觀漢之大臣多禍少全武帝 未可以必得也終候以天下與不可必得之人恩德至 未以為過也然內難既定君臣之分既明爵賞禄賜所 卷三百九十

以英雄之姿挟立君之威臨視其上無異於保姆之提 勢喜事而尚武其縣雄之習豈能帖然無毫釐於心哉 嬰孩如是而能不驕者伊尹周公之所難也驕則縱縱 死彼皆心有所恃矜其功能日邀其上不得所欲則狼 何獨於勃少恩若是哉蓋嘗深思其故而得其說夫髙 顧而起終侯吹蕭之羇民也用兵十餘年 習見天下之 祖之将有大功者至文帝時幾盡矣非以逆誅則以疑 如取孤囚侵奪困苦僅免於死文帝非昏敬無知之君

次定四車人

文章鄉雅彙選

慢之心全其生保其家使其子孫長有國土之為愈也 然則文帝之思亦深矣且能尊霍光者莫如孝宣委天 是曾不如抑遠困辱使之慘然內顧而無所恃鋤其驕 亂而不誅則法廢從而誅之則傷恩甚矣嗚呼理至於 韓彭者無幾耳吾亦畏其有所恃而驕驕而不已則亂 滅者皆恃功邀君驕蹇放縱之所至而絳侯之迹異於 則亂因以生文帝宣無愛勃之心哉視前日之誅死族 -之政與之而不敢爭光死又立其子兄弟聯兵女女

次已四年八十五 霍光無後者非宣帝誰為之乎天下之事要其終而後 政光既死視子孫賢愚而授之官與之財而次其權取 後弱子單孫之祭曾不得享天下之人聞之誰不為霍 霍光矣然光死未樂妻子為戮以天下與人而身死之 知君子之用心絳侯無禍於身則知文帝之所以裁之 其尤無良者而屏遠之霍氏雖欲為亂不可得也然則 光痛心者嗚呼使宣帝既正君臣之分則遂攬天下之 後官賞賜寵錫不以數計天下翕然以為孝宣無負於 文章相間要遊

常禍傷於罷然則文宣之報功其得失可及矣 意之者乃所以深害之也語曰嬰兒常病傷於飽貴臣 者乃所以深報之也霍光無後於漢則知宣帝之所以 强起身徒步之中甫十餘年大業以濟舞計見效光平 自古中與之盛無出於光武矣舊寡而擊衆舉弱而覆 周宣此雖天命抑亦人謀乎何則有|定之畧然後有 定之功界者不可以倉卒制而功者不可以僥倖成 光武論陳亮

次至四号下二百 一 亂誅暴或先或後未嘗無一定之畧也何以明之光武 中與難矣人有常言光武料敵明遇敵勇豁達大度善 未养盗神器羣雄並起相與圖之光武因思漢之民樂 御諸將其中與也固宜吾則曰此特光武中與之一術 也署以倉卒制其畧不可久功以僥倖成其功不可繼 也使其中興止在於此則是其功有時而窮也西都之 犯此二患 雖運奇奮關所當者破而旋得旋失將以濟 大義之師發迹昆陽遂破尋邑百戰以有天下彼其取 文章辨體彙遊

述據巴蜀亦眉羣盗蠡起山東翼述循 虎狼之據穴也 後哉吾嘗籌之關輔雖形勝之地而隗囂出隴西公孫 命鄧禹乘釁西征其意豈以燕趙為可急而關輔為可 輔疾據其地俯首東瞰以制天下光武乃身徇燕趙止 故地凡所以經營河北而取河内為之根本也河北平 自見陽之勝持即河北鎮慰郡縣破王郎擊銅馬收復 有物以阻其穴則彼不敢騁不然將何所憚亦眉猶長 河内服自常情觀之當此之時更始問弱可以西取關 Ĺ 卷三百九十五

一 整也故且身徇燕趙使之速定則自河以北民心已一 次三日三八十二 平述而天下遂一矣此其有一定之畧而後有一定之 雖有覷覷之心而不得復騁光武定都洛陽命將討囂 蛇之螫州也以物而肆其螫則其毒無餘不然将何所 平洛陽固而耿弇且定齊矣當此之時天下畧平覧述 而吾之根本固矣及亦眉破長安志滿氣溢兵鋒門 不至光武之未取關輔所以阻囂述之穴而肆亦眉之 而鄧禹得乘釁以并關中馮異繼之遂破赤眉而長安 文章辨體景選 11+11

燕趙未可以卒平關輔未可以卒守河北河内未可以 之不定而僥倖於或成則我欲東而盗據其西我欲前 卒保而天下紛紛將何時而一也雖料敵明遇敵勇豁 乘其虚赤眉無所騁其鋒則已服郡縣而或惟其毒是 而敵隨其後智謀勇闘無一可者今夫道路之人僥倖 達大度善御諸將頗亦何用哉吾以是知中與之君器 而赤眉無所騁其鋒矣與囂述為敵則欲徇燕趙而彼 功也使燕趙未平而光武西取關輔則遂與嚣述為敵 シャ 1111 卷三百九十

藩鎮也此無他不能立一定之畧則不能成一定之功 常僥倖也千金之子則不然致之有術取之有方成之 其穴不能盡取河北裂為藩鎮終唐之世為大患者皆 肅宗起兵靈武不能先圖范陽而急取關中卒使盗據 有次第不終年而其富百倍此光武所以為中與也唐 而得千金得之於此則必失之於彼何者千金不可以 中與之不終宜哉吾以是知光武之畧不可及也且吾 久聞自古服羣叛驅英豪者無如漢髙帝而光武之行 文章解體豪選

歸營單騎按行示以赤心而降者悉服不必封雍齒而 吾始讀髙帝之書至此未嘗不切疑其計之過而未有 志此何異於蕭何之事乎光武不信言者而以其章示 降者未安将有他變此何異於沙上之謀乎光武勒使 事有髙帝之所未能為者二馬光武降銅馬封其渠帥 後明其無它也且使後世人君用此術以成功者多矣 **異異惶恐稱謝復賜詔慰諭信任愈篤不必繫諸獄而** 後諸将安也馮異鎮關中人或言其威權太重恐有異

金好四户全章

卷三百九十五

之功遠過古人者雖天命抑人謀也 所處及得光武二衙則欣然而以曰天下之事未嘗無 奇術而人不能發之光武發高帝之所未能為而中與 大章辨體豪選

っていこうっと

1.

金なではんかった 入章辨體彙選卷三百九十五

論五 ころ うらっ こう 史官所載必詳矣孔子曷不盡舉而書之奚為簡恩 欽定四庫全書 **余讀春秋見其紀時書事少者止一二言多者不過數** 言斷斷然傅其所信而不敢肆獨當疑之以為當時 武王誅討論明方孝孺 下辨體 康選卷三百九十六 文章早被深塞 明 質復数

難至於理彰意竭而後止何獨於春秋而不盡其醉益 其要領而愈致人之感然後知孔子謹嚴其詞若不敢 或曲 盡者憂天下後世之至也孔子嘗繁易以辭矣反覆詩 若可喜徐而推之率多虚詞而鮮事實往往不足以得 金にしてんと言 人哉及觀左氏穀梁公羊三子之傳各述其所聞甚詳 可以智窮而事必以實著與其循疑而失實以為後 說以傳經或因經而構事肆情極論無復顧忌初 小若著其可信者之為愈也故曰多聞闕疑又 惠 三百

|焚死意為近之武王之於紂非有深讐宿怨特為民去亂 之志也聖人之不幸也武成戴其時事但曰一戎衣天下 新之事見於書最詳而選非礼之尤甚次野之兵非武王 一昔之事奇聞怪說無所不録而於三代之本紀多背經 其志以作春秋自疑亦非不知春秋者矣至於記載往 大定不書紂之死者為武王諱且不忍書也他書謂紂自 而信傳好立異而誣聖人其他微者未足論若武王與 吾猶及史之關文也此孔子之意也司馬遼之為史記 1.1 Day 211 10 文章并體東遊

皆戰國薄夫之妄言齊東野人之語非武王之事遷信而 斬其首懸於太白之旗又斬其二嬖妾懸於小白之旗此 餘怒及其既死之身乎遷乃謂武王至紂死所三射之躬 約之死也必踊而哭之命商之羣臣以禮葬之矣豈復有 其宗廟必不忍加兵於其身也況紂已死乎吾意武王見 兵己北使紂不死而降武王必將封之以百里之邑俾奉 金りしんっ **耳當斯時使紂悔過遷善武王公不興師而踰孟津及紂** 之謬也漢高祖魏文帝皆中才之主非有聖智之度髙 三百

次定四重全美司 图 非常者君子之所惡而非常之功尤天道之所不與也 有志於非常之功者必有非常之禍常者聖人之所務 後世强臣凌上者菹醢其君而援武王以精口其禍君臣 人而忍其君至此乎吾決知其不然矣苟信遷之言是使 祖猶能不殺子嬰文帝猶能奉山陽終其身首謂武王聖 (未曾不欲有功也而不可有喜功之心以有功為喜 一大義不亦甚哉吾故辨之以為好奇信怪者之戒 唐論方孝嘱 文章辨體索選

當為而不强其所難為使天下民物各循其性終身行 故其衰也常受夷狄之禍而唐為尤甚皆太宗啟之 必以無功為恥茍自恥其無功乃急於成功不顧難易 以廷於夷狄者知夷狄之不可以仁義懷不足以兵力 而為之天下必有受其害者矣先王之治天下為其所 一猶有不及何暇他務哉後世之君多好微功於夷狄 而恐為中國之患也甘心於異類者必有禍馬婦之 (君非不欲廣地眾民非不能攘遠代亂而未當

火と四車全書 之以起而唐幾於亡其後二百年間回鶴突厥吐蕃之 武而習不精殆天道也太宗既平羣雄而盡有海內其 絕不絕於邊郡盗賊之與卒自伐南詔始而五代四主 玄宗盡用胡人為邊將任以疆場之事禄山思明遂因 之窟而彌之線其首長致之闕下襲以冠帶而俾之宿 心思立希世間見之功以今示後嗣命將出師獵夷虜 衛當其盛時自謂胡學一家三王五帝之所未有至於 孫多死於虎學王良之街者多死於跟臨非惟力不 文章辨體原選

武帝喜功最甚武帝諸子鮮不以惡終蓋兵之凶也久矣 朝於武氏再覆於禄山黃巢殲之在盾朱温芝之太宗於 晉以降受夷狄之禍亦未有若唐者也較其成功僅快適 皆出於雜胡徳光禁點遂子臨中國之主而號令字內自 得己而用兵者湯武之為心在拯民而不在圖利底乎可 創業而以兵取者必有天禍喜功好刑者必難乎其後不 民有德不宜若是酷也寧知非喜功之報耶西漢之主惟 時而流患儲害歷二十餘世而不止太宗之支無始

יית ייו ליים ביים ביים 其存不幸而亡矣死灰復然猶得以續其統又不幸而統 盖天留之也使其在圍城中則與諸王并俘以北矣昔者 王且當與較射而連發中的意其將家子因卻還之泊宋 康王前嘗為質於金營而宋使姚平仲初營金疑其非親 周漢宗室皆分封於宇內非獨資之如泰山磐石得以固 復遣王奉使講解而為民所遮止因此得脱而遂繼宋統 免哉不然是以一時之功易無窮之禍也 宋高宗論劉定之 大章一家選

盗漢而光武兄弟呼於南陽此十二萬人者近遠響應故 載屬籍者十二萬人莫不據士民之上有王公之勢恭既 主糾合諸侯為周與衛至於戰國而熊韓魏居七雄之三 絕吳苗裔蔓行猶得以保其姓周東遷而晉以强宗為霸 强而犯上盡封各國支庶以裂其壤至於哀平之際宗室 以来未有岩周之長所謂固其存者也漢懲吳濞楚戊之 姬姓之祖禰秦虎視東周不敢吞者數百年自載籍

ランタ・ショー 觀於周漢可見矣蘇子贍諸人言封建之害胡明仲諸 也樂其易防制此利之小者而其後有大害觀於唐宋可 於九曲池濮王等數百人一夜同院於龍與寺女真取宋 室皆聚居於京師故朱温篡唐而徳王等九人 見矣分封之也惡其難約束此害之小者而其後有大利 見屠於完顏亮無 荆益以資昭烈之與所謂續其統者也唐宋則不然其宗 惟康王以出使孟后以被廢二 人幸免蓋無以保其姓矣夫聚居之 文章辨體保選 人得脱其舉宗北遷卒 六 一日同沈 :

アングしたんろう 之也足以不絕民之意即天之意也善得天者得於民而 宋統之幸不絕而天留康王以續之何也曰汴宋二百年 言封建之利各有其説而未皆言其大利害見於繼世之 後如此然則有天下者為其子孫計可以無疑於此矣抑 |美善得民者以其仁而已矣 也民怨之而其仁也民憐之其怨之也足以亡而其憐 .如慶歷元祐之日多不仁如熙豐崇宣之日少其不 宋太祖傳位論陸徒

文三日 1日 司 害之情次及廷美之言觸其愛少子之念故不覺其言之 施其計而逞其詐故危言於太后借其臨終之口以為他 宗之謀也陳橋之事太宗與有力馬覬錦之萌久美無所 或曰杜后賢后也知古今識義理其於境外之戒三從之 曰有昔漢景帝欲以位傳梁王竇嬰直之以漢約其事 道知之素矣臨終而奸大命豈其本心與然則何如曰太 入而信之深也豈科其賊心機智也哉然則太宗有黨乎 日之地耳然則太后何以聽之曰長君幼兒之說動其利 文章辨體索選

漢文帝即位未幾奉臣請願建太子以重宗廟社稷宋祖 固 寢趙 普受顧命不惟不能諫又從而和之豈非其黨而然 ,他日慮太祖之或變也又上表以請之以堅其盟而固 心又何待於已誤再誤之然而後知其奸哉嗚呼太祖 或又曰太祖創業股肱心腹之臣布列内外恩深而義 負於普耶豈特趙普為太宗之黨廷臣皆其黨也昔者 何至於是也曰不然太祖既不能樂然從母之命以付 位十有七年之久曾無一 人建此議者豈非盡為太宗

シラした へ


- III

こま

次足四重金 君之志也將致之桓而成先君之志者不欲成其為君 藝祖醖釀以成之也 皆以宋氏之禍由於杜后之失言太宗之奸逆而不知 主而無斷好雄生心而忠良攜貳不致禍敗者幾希世 不決誰肯佐不斷之主以犯亦族之誅哉故為天下之 其弟又不能毅然守禮之經以立其子遲疑兩端久 元年春正月不書即位攝也攝者何將致之桓而成先 鄭莊公論墊惺 文章辨體索選

之意也人處隱公之道也春秋之義也 也自處之道也元年有正所以正隱也此沒而諡隱公 取天下者在得其大勢不在戰守之勝敗得失也如奕 也沒而諡隱公是國人君之矣國人君之兩盡之謂也 穀果傳曰隱十年無正隱不自正也此不書即位之意 然妙處不過數着全局在我而小小利鈍不計馬項 漢高帝論類惺 1:11 破漢於雅水可也項王怨點

を空り車を書 擊破越可也此漢自得妙看也楚方自賀戰勝而不知 敵不得備之於彼者曰警着敵備之於此而我引之於 敵之所共敵失之而我得之者曰先着我發之於此而 漢有天下之局已定於此數着矣妙看有數端馬我與 關中可也彭越反梁地往來苦楚兵絕其糧食雖使楚 田榮反書遺項王項王以此無西憂漢心雖使楚奪漢 妙着也漢王不得王閥中封於蜀焼所過棧道以齊王 布漢得使隨何說降之雖使楚擊破布可也此楚讓漢 大章辨體東選



銀定四庫全書文章辨體彙選卷置

詳校官中書日李 形 主事街自徐以坤覆勘

總校官檢討臣何思釣 校對官中書臣范來宗 謄録監生 臣宋子漁

**秋定四車全書** 四 17月 经公司的股份 左丘明論集其文作左氏傳 1 文章辨體東選 明 編

泰并诸侯則有戰國策三十三篇漢與定天下大中大 司馬遷採左氏國語刪世本戰國策據楚漢列國時事 而左氏國語獨章又有記録黃帝以來至春秋時帝 夫陸賈記録時功作楚漢春秋九篇孝武之世太史令 公侯卿大夫號曰世本一十五篇春秋之後七國并爭 自黄帝下記獲麟作本紀世家列傳書表凡百三 又撰異同號曰國語二十篇縣是乘橋机之事遂閣 而十篇缺馬遷之所紀從漢元至武以絕則其功也

漢春秋太史公書今之所以知古後之所由觀前聖人 矣夫百家之書猶可法也若左氏國語世本戰國策楚 守節而貴俗功此其大敬傷道所以遇極刑之咎也然 才也誠今遷依五經之法言同聖人之是非愈亦庶幾 善述叙事理辯而不華質而不野丈質相稱益良史之 老而薄五經序貨殖則輕仁義而羞貧窮道游俠則賤 欲以多聞廣載為功論議淺而不篤其論析學則崇黃 至於採經據傳分散百家之事甚多疎略不如其本務

文記事主 ラー

文章辨體東遊

陳平之屬及董仲舒並時之人不記其字或縣而不郡 家卿士特起則曰列傳又進項羽陳涉而點淮南衡 盈辭多不齊 細意委曲條例不經若遷之著作採獲古今貫穿經傳 至廣博也 耳目也司馬遷叙帝王則曰本紀公侯傅國則曰世 紀傳而已傳曰殺史見極平易正直春秋 不暇也今此後篇慎农其事整齊其文不為世家 人之精文重思煩故其書刊落不盡尚有 一若序司馬相如舉郡縣著其字至蕭曹 を三正九 t t 火このちたいる 殊者何三祈不同也初張耳陳餘說陳涉以復六國自 者言其大體得失之數也勢者言其臨時之宜也進退 夫立策决勝之祈其要有三一日形二日勢三日情形 未必欲亡項也且項羽率從六國攻滅強秦之時勢則 之起也天下皆欲亡泰而楚漢之分未有所定時天下 為樹黨鄭生亦說漢王所以說者同而得失異者陳涉 之機也情者言其心志可否之意也故策同事等而功 立六國論首说

文章辨禮康選

勝敗未必以存亡也其勢非能急於亡敵國也進乘 資敵設虚名而受實禍也此同事而異形也及宋義待 秦趙之斃與昔卞莊刺虎同說者也施之戰國之時隣 行虚惠而獲貿福也立六國於漢王所謂割已之有以 也且陳沙未能專天下之地也所謂取非其有以與 不能矣故立六國於陳涉所謂多巳之黨而益秦之敵 自保故累力待時乘敵之斃其勢然也今楚趙所 相攻無臨時之急則可也戰國之立其日久矣 卷三百 れー七 戦

次三可专工主 受禍此同事而異勢者也伐趙之役韓信軍於派水之 其與秦勢不並立安危之機呼吸成變進則成功退則 知難而退懷內顧之心無必死之計韓信軍孤在水 國都項羽自外而入士卒皆有憤激之氣救敗赴亡之 飲酒高會士卒近豫戰心不固楚以強大之威而喪其 士卒必死無有二心此信之所以勝也漢王深入敵國 而趙不能敗彭城之難漢王戰於濉水之上士卒皆 入濉水而楚兵大勝何則趙兵出國迎戰見可而進 . 文章辨體東選

王商言水不至非以見智也非以傷傷也將欲忠主安 可先圖與時遷移應物變化設策之機也 之卒應之此同事而異情者也故曰權 而趙以內顧之士攻之項羽選精兵以攻而漢以怠 於我媚也非以高左右也惻怛於心將以救上 王商論首悦 不得已而鳳以為慨恨馮婕妤之當熊非欲見勇 旦之命此漢之所以敗也且韓信選精兵以 卷三百 不可預設變

傅昭儀以為陳皆至於死真可痛乎夫獨智不容於世 次定四車全書 人 踏哀今之人胡為虺蜴本不敢立於人間况敢立於朝 獨行不畜於時是以告人所以自退也雖退猶不得自 敢有罪乎閉口而獲誹謗况敢直言乎雖隐身深藏猶 免是以離世深藏以天之髙而不敢舉首以地之厚而 乎自守猶不免患况敢守於時乎無過猶見誣枉而况 不敢投足詩云謂天益髙不敢不跼謂地葢厚不敢 不得免是以甯武子佯愚接與為狂困之至也人無狂 文章群體樂選 Ŧ,

以六合之大匹夫之微而 以古人畏患苟免以計安身撓直為曲斷方為圓穢素 故徐行負石入海中屠狄蹈甕之河痛之極也悲夫 卷而懷之以死易生以存易亡難乎哉 而矯死悲之甚也雖死猶懼形骸之不深魂神之 )潔推亮直之心是以羊舌職受盜於王室遠伯玉 **愿者則不得自安於世是以屈原怨而自沈鮑焦** 汝賴優劣論孔融 身無所容馬置不哀哉是

" . 17 . " U. 17 . " 哭世者也汝南府許豫教太守都晨圖開稻陂數萬頃 頻川士雖有奇異未有能神而靈者也汝南應世叔讀書 功見効如許豫者也汝南張元伯身死之後見夢范巨卿 界世獲其功夜有火光之瑞韓元長雖好地理未有成 汝南戴子髙親止干乘萬騎與光武皇帝共於道中頹 共說世俗將壞因夜舉聲哀號顏川雖憂時未有能 士雖抗節未有頡頏天子者也汝南許子伯 與其友 融以為汝南士勝賴川士陳長文難融答之 文章辨體愛選

袁子曰或問諸葛亮何如人也袁子曰張飛關羽與劉 者也汝南程子威為東郡太守始舉義兵以討王莽頻川 **毗而死弟用得全願川雖尚節義未有能殺身成仁如洪** 李洪為太尉掾弟殺人當死洪自劾詣閣乞代弟命便飲 上書欲治深冀殞川士雖慕忠讓未有能投命直言者也 士雖疾惡未有能破家為國者也汝南袁公著為科甲郎 五行俱下頻川士雖多聰明未有能離婁並照者也汝南 ノングし 諸葛亮論晉袁孝者 卷三下九十七 火亡り半全ち 法嚴而國人悅服用民盡其力而下不怨及其兵出 備俱起爪牙腹心之臣而武人也脆得諸葛鹿因以為 今数十年國人歌思如問人之思召公也孔子曰雍 如賓行者不冦岛芜者不獵如在國中其用兵也止 而國人不疑如此即以為君臣百姓之心欣戴之矣行 進退如風兵出之日天下震動而人心不憂亮死至 孤攝 相而羣臣脫服劉備足信惡足重故也及其受六尺 國之政事凡庸之君專權而不失禮行君事 V 文章辨體東遊 如

轉降未進兵欲戰亮勇而能關三郡反而不速應此 也 水安定三郡人反應之若亮速進則三郡非中國之有 失此機何也袁子曰蜀兵輕銳良將少亮始出未知 國強弱是以疑而當之且大會者不求近功所 也曰何以知其疑也袁子曰初出遅重比營重複後 而亮徐行不進既而官兵上隴三郡復亮無尺寸之 使南面諸葛亮有馬又問諸葛亮始出隴右南安天 也曰何以知其勇而能圖也袁子曰亮之在街亭 送三て こして 其

能 鬭也曰亮帥数萬之衆其所與造若數十萬之功是 進退亮法令明賞罰信士卒用命赴險而不顧此所以 勇也亮之行軍安静而堅重安静則易動堅重則可以 而不治名志大而所欲遠非求近速者也曰亮好治官 其奇者也所至營壘井竈圊溷潘籬障塞皆應繩墨 月之行去之如始至勞費而徒為飾好何也袁子曰蜀 也前軍大破亮屯去數里不敢官兵相接又徐行此其 人輕銳免故堅用之曰何以明其然也來子曰亮治實

火モの車ところ

文章辨體東選

**亮之才而少其功何也袁子曰亮持本者也其於應變** 饒朝會不華路無醉人夫本立故末治有餘力而後 府次舎橋梁道路此非急務何也袁子曰小國賢才少 故欲其尊嚴也亮之治蜀田疇辟倉廪實器械利蓄積 則 小事此所以勸其功也曰子之論諸葛亮則有證 也 曰此固賢者之遠矣安可以備體責也夫能知所 非所長也故不敢用其短曰然則吾子美之何也來 用此賢者之大也知所短則知所長矣夫前識 卷三百 九 短 ア人 及

或日黃唐緬遊至道淪騎豪濮殿詠風流靡託爭奪兆 於仁義是非成於儒墨平叔神懷超絕輔嗣妙思通微 振干載之顏網洛周孔之塵網斯蓋軒冤之龍門豪梁 殊號質文異制而統天成務曠代齊趣王何篾棄典文 言而不中亮之所不用也此吾之所謂可也 有聖人之言乎夫聖人者德侔二儀道冠三才雖帝皇 之宗匠當聞夫子之論以為罪過桀斜何哉答曰子信 罪王何論范貿


火たり車へよう 一変

文章好體彙選

魯太公戮華士於齊豈非曠世而同誅乎桀紂暴虐 無檢以為俗鄭聲之亂樂利口之 覆那信矣哉吾固以 偽 以惑世指伸之徒翻然改轍洗泗之風編馬將墜逐 不遵禮度游解浮說波蕩後生飾華言以野實賜繁文 - 義幽淪儒雅紫塵禮壞樂崩中原傾覆古之所謂言 何叨海内之浮譽資膏梁之傲誕畫魑魅以為巧扇 以減身覆國為後世鑒戒耳宣能四百姓之視聽哉 而辨行僻而堅者其斯人之徒與昔夫子斯少正於 巷三百 令

為 ラインフラー しこと 也 一世之禍輕歷代之罪重自丧之釁小迷衆之愆大 一三一世表與

金いセレノー 文章辨體彙送卷三百九十七 卷三百九十七



國有大難未可三年不言高宴後園宣得一 明其限節水火可蹈禮教難逾今天陰南傾洪基靡構 威名器先王以之草與達人因此垂風是故立其章程 直更賞其能此亦可稱也且夫為人上者當不忝威儀 具舉朝野肅然況乃嘉思政之忠遥接其手寤陸生之 平侯景借假貞節內察權豪沙汰衆流釐正聲務紀綱 不慎爾儀也若乃命天子為痴人比尊名於狗脚恨 丕基堪負大業追成曩志不忝遠圖故能委任紹宗外 とうし 赵三百 几 + 朝盤舞 此

文でうちてこう 一 陵之語不念 元熟念孫騰之儀寧思伐命此不惜名器 罪賞王儀之心拒蘭欽之慈專諸之劒非不幸也 謂也嗟乎楚莊絕櫻不顯婦人之節鄭人獻捷尚禮南 冠之賢所以盡俘囚之材得醉者之力今者陷孝騫之 鄭妃於内寢乃緊乎親詩曰人而無儀胡不遄死此之 而弄淫女下獄而罪貞姬叛髙慎於洛陽幾傾其父烝 加以任情荡思率意以之紅綺如花妖顔若玉决池 史通論書志 劉知幾 文章辨髓氣選

或以為天文藝文雖非漢書所宜取而有廣見聞難 逐求辰象既天文有志何不為人形志乎茫茫九州言 養生之尤急也且身名並列親疎自明豈可近昧形骸而 含靈受氣吉凶形於相貌貴賤彰於骨法生人之所欲 知也四支六府疴瘵所纒尚詳其孔穴則砭灼無惧、 一各異大漢輔軒之使譯導而通足以驗風俗之不同 削也對口的事非其限而越理成書自可觸類而長 何不録又有要於此者今可得而言馬夫圓首方足 為

とりていたる言

卷三です

次定り車とう 一 揚雄方言並當時所重見傳派俗若加以二志幸有其 **示皇威之廣被且事當炎運尤相關涉爾雅釋物非無** 書何獨捨諸深所未晓歷觀眾史諸志列名或前略 藝文取劉歆七略因人成事其目遂多至若許負相經 後詳或古無而今有雖遞補所缺各自以為工推而 之皆未得其最蓋可以為志者其道有三馬一曰都邑 .例既藝文有志何不為方言志乎但班固綴孫卿之 以序刑法探孟軻之語用裁食貨五行出劉向洪範 文章辨體東處 而

志二曰氏族志三曰方物志何者京邑翼真四方是 土門早室好約者所以安人阿房未央窮奪者由 門萬戶兆庶仰其威神虎踞龍蟠帝王表其尊極兼 成洛晉宋之宅金陵魏徙伊瀝齊居漳淦隋氏 國此則其惡可以誠世其善可以物往者也且官闕 度朝廷軟儀前王所為後王取則故齊府肇建誦 之功經百王而不易無 以立宫代國初遷寫吳京而樹闕 北三丁 日而可廢也至如两 ተ Л 故 知經始之義 其 則 魏 ŀ

**汉定四車全書** 狀四荒之經觀之者擅其博聞學之者聘其多識自漢 獸蟲魚齒草羽毛之類或百蠻攸稅或萬國是供夏書 撰都邑志列於輿服之上金石草木縞紵絲泉之流鳥 則編於禹貢周書則託於王會亦有圖形九牧之鼎列 分置两都此並規模宏速名號非 善馬條支致其巨雀爰及魏晉迄於周隋咸亦遐遍來 王任土作貢異物歸於計吏竒名顯於職方凡為國史 、拓境無國不賓則有邛竹傳節蒟醬流味大宛輸其 文章射體果選 凡為國史者宜各

者宜各撰方物志列於食貨之首帝王苗裔公侯子孫 雜隋有天下文軌大同江外山東人物殷凑其間萬門 世胄相承子孫蕃行及永嘉東渡流寓揚越代氏南遷 問實掌王族逮乎晚葉譜學尤煩用之於官可以品藻 餘慶所鍾百世無絕能言吾祖則子見師於孔公不識 士庶施之於國可以甄別華夷自劉曹受命雍豫為字 其先籍談取前於姬后故周撰世本式辨諸宗楚置三 夷從夏於是中朝江右南北混淆華壤邊民虜漢

汉定四車全書 言兩漢所以亡者皆曰莽卓予以為莽卓篡逆汙神器 數條粗加商略得失利害從可知矣庶夫後來作者擇 為志者所宜先而諸史竟無其録如休文宋籍廣以符 撰氏族志列於百官之下蓋自都邑已降氏族而往實 瑞伯起魏篇加之釋老徒以不急為務曾何足云惟此 素族非復 其善而行之 两漢辨心論權他與 一家郡正州都世掌其任凡為國史者宜各 文章群體東選

春秋之時明禹廣之罪作誠來世可勝紀乎向若西京 亡 西京者張禹亡東京者胡廣皆以假道儒術得伸 且出不越境書試君之惡言偽而辯有兩觀之誅若當 禍胎故其蕩覆之機篡奪之兆皆指導馴致之雖年祀 以亂齊民自賈夷城天下耳目顯然聞知靜徵厥初則 相遠猶手授頤指之然也其為賊害豈直莽卓之比乎 方善柔保位持禄或陷時君以滋属階或附凶沴以結 一時大名致位公輔辭氣所發損益繫之而多

次足四年人こう 聾者而相之立土木偶而尊之被以章組列於廊廟 可矣何堯舜之或咨或吁殷周之或夢或上憂勤日昃 抑損王氏尊君母臣則庶乎無哀平之壞東京登庸清 河主明臣忠則庶乎無靈獻之亂大漢之祚未易知也 所慎激因辨其所以然 若是然後為理耶予因隸古史且皆春秋發貶之學 以國之與心皆有陰隱之數非人謀能亢則但取替 吳季礼論獨孤及 文章辨體豪選 排

節使國篡君弑非仁出能觀變入不討亂非智左丘 太史公書而無議余有惑馬夫國之大經實在擇嗣 者慎德而不建故以賢則廢年以義則廢卜以君命則 史氏竊謂廢先君之命非孝附子臧之義非公執禮全 謹按季子三以吳國讓而春秋褒之余徵其前聞於舊 屬故緣服嗣位而不私太伯知公器有歸亦斷髮文身 廢禮是以太伯之犇勾吳也蓋避季歷季歷以先王所 無怨及武王繼統受命作周不以配天之業讓伯邑 超三百 れナ 明

1: 1:1

當壽夢之眷命接餘昧之絕統必能光啟周道以伯荆 季子為太伯之讓是徇名也豈曰至德且使爭端與於 考官天下也彼諸樊無季歷之賢王僚無武王之聖而 蠻則大業用康多難不作闔閉安得謀於窟室專諸何 上替禍機作於內室遂錯命於子光覆師於夫差凌夷 所施其匕首嗚呼全身不顧其業專讓不奪其志所去 不返二代而吳滅以李子之閎達博物慕義無窮向使

次足の車へこう

者忠所存者節善自牧矣謂先君何與其觀變周樂愿

文章辨體東選

生孰與先釁而動治其未亂棄室以表義挂劒以明 孰與奉君父之命慰神祗之心則獨守純白不義於嗣 危戚鐘曷若以蕭牆為心社稷是恤復命哭墓哀死事 觀讀漢史見景帝殺御史大夫鼂錯以姑息吳王濞痛 其孰生之哉其孰生之哉 其非罪也故直筆以議按錯頻川人起於諸生事文帝 /潔已而遺國也國之覆亡君實階亂且曰非我生亂 最錯論 李觀 11 11. 卷三飞几十 信

こうこうこと ここと 為太常掌故以英詞射策累推為中大夫及景帝即位 借誅錯之名景帝無非常之見而聽亂臣 有由然間人骨肉而塞小忿自非上连能不生怨怨端 翼而固其本也度錯之志豈有負漢哉原吳濞之反誠 極言獻替未嘗不忠於心乃命副丞相錯所以推心不 顧思永漢室而患諸侯侈大上書請削其土是用翦其 而諸夏初义狂夫為計料勝一舉遂摇長舌交構七國 立臣節安附欲無為逆終不可得已蓋以南方富殖 文章等流量選 說乃斬錯

金坑 遝 誠東南之必亂於時豈有錯削地之議蓋天之歷數 為錯明矣且袁盎與錯宿不相善况景帝豈不知二 理亂也脫使無果國以絕其道無條侯以耀其武則秦 不問龔在紓難而七國之兵曾不少减是以察其來 乃称獻長悲益為天子之蓋爾始高帝封濞於吳以 鹿復驗盎之內可食初錯介然孤立指畫萬議大臣 不叶而聽偏議是為臣報隙也若宗社何及鄧公矣 小臣怖人人來約各欲傳刃其父知其必戮也而深 7 卷三百几十 有 臣

敗之勢異也其父雖懼禍至奈其子所籌國之大事 且使括母言之足稱明婦人也使錯文言之是沮其子 吾不忍見禍及先為死矣愈史臣責錯之父不逮趙 病之錯曰所以尊君上安宗廟父曰劉氏安鼂氏危矣 母 一將及括失律母以先見獲宥鼂錯用至忠之略與必 何其鄙也夫趙括持以敗之勢而母言於趙王不可 也

ということに

為忠也孰可擬議或人有復言錯忠則有矣而智不足

則不爾夫忠所以補君智所以濟身苟圖濟身則忠

文章所體東越

景帝非智之短時不與也古云直木先伐愚智何道哉 若之智力地望以的然之理攻之然猶不能反其意執 實工人命繫馬宜議能以宥曹公曰憂天下無此鼠輩 耶遂考竟他至蒼舒病且死見順過醫不能生始有悔 有不遂忠有不遂是臣不臣亦何生為賊由袁盎昧在 稱華佗以持能嚴事為曹公所怒首文若請曰他祈 )戴嗟乎以操之明略見幾然猶輕殺材能如是文 華佗論 劉禹錫 卷三百九十 火い可事とこち 彼士人皆曰憂天下無材耶魯不知悔之日方痛材之 是使後之人寬能者之刑納賢者之論而懲暴者之輕 柄者之意真可畏諸亦可慎諸原夫史氏之書於册也 若何曾不知悔之日方痛生之不可再也可不謂為作 殺故自恃能至有悔悉書馬後之感者復用是為口實 大哀乎夫以作之不宜殺昭昭然不足言也獨病夫史 悲哉夫賢能不能無過的宾於理矣或必有寬之之請 不可多也或必有惜之之難被壬人皆曰譬彼死矣将 文章排體東選

事之不总期有勸且懲也而暴者復籍口以快意孫權 書之義是將推而廣耳吾觀自曹魏以來執死生之柄 が、ダレアノニ 應泰山殺孝廉自譬仲謀近覇者文舉有高名然猶 則 者用 李翰所為張巡傳順詳密然尚恨有闕者不為許遠 可懲為故事矧他人哉 曰曹孟德殺孔文舉矣孤于虞都何如而孔融亦 許返論 一志而殺材能衆矣又馬用書佗之事為嗚呼前 韓愈 卷三百 九十八

處其下無所疑忌竟與巡俱守死成功名城陷而屬與 傳遠雖材若不及巡者開門延巡位本巡上授之柄而 守尺寸之地食其所愛之肉以與賊抗而不降乎當其 圖守告外無此蜉蟻子之援所欲忠者國與主耳而賊 為巡死而遠就虜疑畏死而辭服於賊遠誠畏死何苦 其言為信外無待而猶守死人相食且盡雖愚人亦能 死先後異耳兩家子弟材智下不能通知二賢志以 以國比主滅悟之遠見救援不至而賊來益衆必以

欠こううしんよう

2

**文章 排體 柔選** 

觀者見其然從而尤之其亦不達於理矣小人之 自遠所分始以此詣遠此又與兒童之見無異人之 論 之賢而為之耶說者又謂遠與巡分城而守而城之壞 其臟腑必有先受其病者引繩而絕之其絕必有處 俱死獨家愧恥求活雖至愚者不忍為嗚呼而謂遠 日而知死處矣遠之不畏死亦明矣鳥有城壞而其 不得免其它則又何說當二公之初守也寧能知 不樂成人之美如是哉如巡遠之所成就如此卓

グララレ

卷三百九十

アスロララムこう 强兵坐而觀者相環也不追議此而責二公以死守亦 達二公之賢其講之精矣守一城桿天下以千百就盡 見其自比於逆亂設淫辭而助之攻也 之卒戰百萬日滋之師蔽遮江淮阻遏其勢天下之不 **亾其誰之功也當是時棄城而圖存者不可一二數擅** 及其亡救而且窮也將其創殘餓羸之餘雖欲去必不 之卒不救棄城而逆遁茍此不能守雖避之他處何益 張辟疆論李德裕 文章中重東縣

揚子美辟疆之覺陳平非也若以重子膚敏善端吕氏 哀將相何至危懼必當憂傷不食自促其壽豈能為將 虚東牟肺腑之親是時産禄皆匹夫耳吕后雖心不在 金りひんべき 戈逐之將為戮矣觀高祖遺言日后制其大事可謂謀 兵産禄幾危劉氏皆因辟疆改之向使留侯尚存必執 之情奇之可也若以反道合權以安社稷不其悖哉授 無遺策矣以王陵有廷諍之節置以為相謂周勃堪寄 之任令本兵柄况外有齊楚淮南磐石之固内有朱 卷三百 九十 À, 儵才出於世豈受其紿說哉與其圖之於難宣若置之 以報韓結客以阻秦招四皓以安太子所為必仗義居 於易繇是而言平勃用辟疆之計斯為謬矣留侯破産 言誅諸吕豈不艱哉賴産禄皆徒隷之人非英傑之士 **殁切鄰商以紿吕禄計亦寫矣周勃雖入北軍尚不敢** 平勃二人溘先朝露則劉氏之業必歸吕宗及吕后之 吕宗矣何可背之厥後稱制八年産禄之封殖固矣若 相之害哉高祖曰非劉氏而王者天下共擊之此慮屬 文戸作出東北

金岁四月全世 袁盎對文帝曰絳侯所謂功臣非社稷臣夫社稷臣者 敦息也當日后之世惠帝已殂少帝非劉氏陳平用辟 疆 有海宗臣之意竟使周勃大功皆棄非罪見疑可為長 主在與在主亡與亡盎見勃自德其功有以激之也 正繇此知不尚權誘明矣 理篇論此言足以感文帝聰明傷仁厚之政件其 之計權王産禄絳侯若不與之同心而制其兵柄 袁盎以周勃為功臣論 卷三百九十 李德裕 非

欠いう事という 斯言當矣善哉賈生之說喻堂陛之峻高者難攀早者 繋累室 雅明其無罪所謂陷至死地而後生之徒有 識岩東公者難與並為仁矣益惟有正慎夫人席塞梁 易陵文帝感悟養臣下有節有以見賢人用心致君精 救焚之力且非曲哭之義揚子稱益忠不足而談有餘 止也然磨而不磷泡而不淄未當不心存社稷志在劉 外雖順遜內守忠貞得不謂之社稷臣乎其後鋒侯 此而陷亂矣劉氏安危未可知也盡曰諸品用事 文章辨體彙選 世

金らせんごう 山東之匹夫也入虎狼之泰履不測之險可謂交跡義 明安陵之禍知天道不昧矣 王求嗣此二事守正不撓忠於守奉害錯之罪虐貫神 臣然臣有忠邪時有險易交有淺深義有厚薄范雎 社稷之計安危之機人君不能獨斷者必政於所敬 謂忠於昭王矣夫能獨斷者英主也古人言謀之 矣而能尊昭王去穰侯開秦霸業之基以安固後嗣 張禹論 李徳裕 卷三百九十八

則 **火ルフェンニラ** 許而令明詔自親其文非策之得也漢文帝誅薄昭斷 右親問禹以天變禹以年老子弱與曲陽有隙乃言新 多斷之在獨蓋為此矣天有震雷之怒龍有逆鱗之恨 非所以慰母氏之心也漢成帝車馬至張禹第辟左 文公與如存之感况太后尚存惟一 明矣於義則未安也周宣餞申伯有孔碩之詩秦康 以人君在於能斷耳然親戚之際恩義之重斷之於 可也張敞所謂明韶以恩不聽羣臣以義固爭而後 文章辨體乘選 弟簿昭斷之不 五五

金グロレノニモ 朱雲欲以上方斬馬劍斷佞臣頭斯言當矣後代有類 於此者其臣可以范雎為師表張禹為鑒戒 也國之妖也雖蛇屬於鄭鷁退於宋妖不甚於禹矣 陪臣陪臣於諸侯君父也諸侯於周王亦君父也陪 氏致漢室之亡成王莽之篡皆因禹而發可謂漢 小生亂道誤人主宜無信用帝雅信愛禹蘇此不 列 春秋無賢臣論 國周之諸侯受周之封分為五等五等之下臣 孫 卷三百 部 ì +

臣於周義猶大父也夫為子之道孝於父者必欲父孝 侯是弱祖而强义佐諸侯而敵周是佐父而敵祖遺祖 於祖陪臣忠於諸侯者必欲諸侯忠於天子則忠孝兩 曰孔門仕者解又家臣耳子不讀聖賢書乎易云止其 春秋豈之賢者子謂之無激之耶鮮之耶奈乎孔門何 則非孝論之於道則傷義推之於情則辜恩有難僕曰 之怨成父之逆惡莫大馬言之於臣則非忠語之於子 全康义天下今春秋陪臣張公室侵王室弱周以强諸

文でする からる

文章朝職東選

**+** 

